



DEPORTE  
GALEGO

# CAMPIONATO SELECTIVO SALMÓNIDOS MOSCA COUTO DE VERDES, RÍO ANLLÓNS

DÍAS 25 E 26 DE MAIO DO 2024

## PROGRAMA (Para ámbolos días)

07:30 horas	Recepción dos participantes no escenario da proba. Sorteo de dorsais e entrega de documentación
08:30 “	Inicio da 1ª manga
10:30 “	Finaliza a primeira fase. Cambio de pescador e control.
11:15 “	Inicio segunda fase
13:15 “	Fin da 1ª manga. PAUSA
15:15 “	Inicio da 2ª manga
17:15 “	Finaliza a primeira fase. Cambio de pescador e control.
18:00 “	Inicio segunda fase
20:00 “	Fin da competición.
20:00 a 20,45	Entrega de plicas

Publicación da clasificación. 2º día entrega de premios.

## BASES

O deportista, só poderá ter unha cana en acción de pesca. Non obstante, poderá dispoñer dunha ou máis canas de repostos.

Para a extracción da captura e a súa posterior presentación ao control, deberá facer uso dun redefol ou trueiro, cuxa lonxitude totalmente estendida non supere os 122 cm. A rede desta, deberá ser de algodón ou outro material non abrasivo.

A adxudicación dos tramos farase por sorteo, feito en tempo e forma, para garantir a chegada a tempo, para o inicio da proba, de tódolos deportistas aos seus respectivos tramos.

A reunión do Pescador co control farase xunto á táboa que sinale o inicio do tramo, augas abaixo.



DEPORTE  
GALEGO

Serán válidas tódalas capturas. Aquelas que acaden un tamaño igual ou inferior aos 16 cm, medidos dende a punta do fociño ata a punta do rabo, contabilizarán coma de 16 cm. As capturas que midan máis de 16 cm e non superen os 17 computarán coma de 17 cm. Os exemplares de máis de 17 cm e que non superen os 18 puntuarán coma de 18 cm. E así sucesivamente.

### Material permitido:

- **Canas.** Libres, de uso comercial, cuxa lonxitude non exceda de 366 cm. (12 pes).
- **Carretes.** De uso opcional sexa manual ou automático, de bobina xiratoria.
- **Liñas.** Cola de rata de calquera composición ou forma das habituais do mercado, cunha lonxitude mínima de 22 metros e cun diámetro mínimo de 0,55 mm incluíndo o recubrimento.
- **Baixos de Liña.** Sinxelos, de lonxitude como máximo dúas veces a lonxitude da cana, anoados ou sen nós, e cónicos ou cilíndricos. Non se poderán engadir ao baixo de liña mecanismos de afundimento ou flotación. Os baixos de liña non poden ter elementos adicionais adheridos ao mesmo distintos aos codais que soporten os reclamos. Estes codais deberán ir fixados ao baixo de liña, anoados ao mesmo ou mediante micro argolas ríxidas sen sobranse algún, e deberán ter una lonxitude mínima de 5 cm. dende o baixo de liña ata a argola ou paleta do reclamo empregado (mosca, streamer, etc...). Os codais dos reclamos fixaranse ao baixo de liña de modo que non poidan deslizarase ao longo do mesmo.

### Permítese:

- O uso de liñas flotantes e de afundimento
- O final da liña o uso dunha lazada para conectalo baixo de liña.
- As moscas lastradas, sempre e cando o lastre quede oculto polo revestimento, que debe imitar algunha parte morfolóxica, ou formar parte da súa propia estrutura. O revestimento por pintura non se considera como tal.
- Unha única perla ou boliña visible no anzol. A dimensión máxima desa perla non pode exceder dos 4 mm.
- Un máximo de tres moscas: Cando se empregue mais dunha, a distancia mínima entre moscas será de 50 centímetros, medidos cando estas penduren libremente.
- O uso de “streamer” e as moscas artificiais flotantes ou afundidas que imiten calquera das fases do ciclo vital do insecto imitado (larva, ninfa, sub-imago e imago), montadas sobre anzois simples.

### Non se permite.

- As cabezas disparadoras ou lanzadoras.
- Engadir pesos e dispositivos ou materias flotantes ás liñas de pesca nin indicadores de picada.
- O uso de liñas de corpo chumbado.



DEPORTE  
GALEGO

- O uso de imitacións que desprendan colorantes ou olores.
- Os anzois con arponciño ou lingüeta. Son válidos os anzois que teñan totalmente inutilizado o arponciño ou lingüeta, de modo que non ofrezan resistencia algunha á retirada.

Ao longo da proba, calquera control pode pedir o exame dos aparellos de pesca dun deportista.

O deportista que non se presente, ou abandone a proba ou a acción de pesca, antes da hora oficial, perderá o seu dereito á clasificación e a continuar na proba.

Os tres primeiros deportistas clasificados, xunto co campión autonómico da especialidade 2024, integrarán a selección que represente a Galicia no campionato nacional da especialidade 2025. No caso de que algún deses tres postos o ocupe o vixente campión autonómico, correrase a lista ata o 4º posto.

Descenderán tantos deportistas como fosen necesarios para que o selectivo desta especialidade quede composto por 18 deportistas. Os descensos empezarán a adjudicarse polo último clasificado e continuarán en orde ascendente ata o 19º clasificado.

Para calquera outra norma non descrita nestas bases aterémonos ao resolto polo xuíz da competición ou polo Comité da Proba.

Os clubs deberán de inscribir aos seus deportistas exclusivamente ao correo [delegadocoruna@fgpesca.org](mailto:delegadocoruna@fgpesca.org) ata a data linde do 17 de maio do 2024 ás 14,00 horas.

**Os deportistas convocados para esta competición son os que se relacionan no ANEXO I destas bases.**

Para participar será imprescindible ter a tarxeta federativa do ano en curso e licenza de pesca fluvial en vigor.

Tanto os deportistas participantes coma os clubs polos que participen, teñen que estar ao corrente das súas obrigas coa FGPeC.

Queda terminantemente prohibido o consumo de tabaco no transcurso de tódalas competicións oficiais organizadas pola Federación Galega de Pesca e Casting, dende a entrada aos postos ata o final da proba, establecéndose as correspondentes sancións, se é o caso, para quen as incumpra.

Na última manga do día tanto o deportista que pesque un tramo coma o deportista que o controle, serán responsables de recoller cintas e indicador do tramo. O que pesque ou controle o tramo un, serán responsables da retirada das cintas e indicadores de FIN DE TRAMOS. Os que pesquen ou controlen o dous retirarán tabliña e cintas do un. Os que pesquen ou controlen o tres [Federación Galega de Pesca e Casting](http://Federación Galega de Pesca e Casting) [www.fgpesca.org](http://www.fgpesca.org) [federacion@fgpesca.org](mailto:federacion@fgpesca.org)



DEPORTE  
GALEGO

retirarán tabliña e cintas do dous. E así sucesivamente ata o último tramo, que deberán retirar cintas e indicador do seu tramo e do tramo superior. O material recollido debe ser entregado á organización xunto coas plicas. A quen incumpra esta obriga poráselle un cero nesa manga, tanto ao pescador coma ao control.

Os deportistas terán un prazo de 30 minutos, a contar dende o remate da quenda de pesca, para enviar foto da plica ao número de teléfono que se lles indicará no momento do sorteo. Esgotado ese prazo sen recibir novas da plica, nesa quenda o deportista interesado puntuará cero.

No tempo que os deportistas estean pescando ou controlando, non poderá acceder aos tramos ningunha outra persoa, teña ou non relación con eles, agás o xuíz e os membros da organización. Se algún dos dous (deportista ou control) se decatase da presenza de terceiras persoas no tramo de pesca, deberán facelo constar na plica como incidencia. De non facelo así e a organización ter probas fidedignas de que houbo outras persoas no tramo mentres se desenvolvía a manga, quedarán fóra da clasificación desa proba tanto o deportista coma o control. Queda terminantemente prohibido compartir fotos das plicas polo grupo oficial da competición.

Alterar ou entorpecer o normal desenvolvemento da proba será motivo de expulsión inmediata da mesma

Inscribirse nesta competición significa aceptar ser incluído no grupo de wassap da mesma sen solicitude previa de autorización.

**Asinado: D. Juan Ramiro Agra Requeijo**  
**Presidente do Comité de Salmónidos da FGPeC**



DEPORTE  
GALEGO

## ANEXO I

### SELECTIVO 2023

- Alberto Vicente Casas (Fario Laracha)
- David Arcay Fernández (Salmo)
- Alejandro Pérez Trebolle (Río Neira)
- José Luís Fernández López (Dánica)
- Iago Pena Leal (Venatoria As Pontes)
- José Ameijeiras Pego (Río Deza)
- José Manuel Socastro Gens (W Latorre)
- Luís Sandamil Cabana (Amigos do Miño)
- José Alberto Mato Pombo (Venatoria Bergantiños)
- Alberto Luengo Rodríguez (Dánica)
- Rodrigo Antelo Sinde (Amigos do Miño)
- Jesús Amboage Vite (Río Deza)
- Fernando Lorenzo Corral (Río Deza)
- David Golpe Mondragón (Salmo)
- Emilio José González Berjara (Río Neira)
- Jesús Francisco Bolaño García (Barbanza)
- Julián Nieto Ferreiro (Sta Comba)
- Álvaro García Veiga (Rodeo)

### CON PRAZA

- Isaac Montilla Fontao (Río Deza)
- Juan José Moimenta Prieto (Río Deza)

### ASCENDIDOS AUTONÓMICO 2024

- Francisco Javier García Romeu (Río Deza)
- Carlos Gesto García (Sta Comba)
- José Luís Díaz Díaz (Amigos do Miño)
- Iván López Buján (Río Neira)
- Miguel Ángel Viejo Carnicero (O Peixe)
- Pablo Vidal Silva (ADN Ribadavia)